

VENDIM
Nr.213, datë 16.3.2011

**PËR NDRYSHIMIN E PËRGJEGJËSISË SË ADMINISTRIMIT TË PRONËS, TOKË
BUJQËSORE, TË NDODHUR NË ISH-NDËRMARRJEN BUJQËSORE, SPITALLË,
DURRËS, NGA MINISTRIA E BUJQËSISË, USHQIMIT DHE MBROJTJES SË
KONSUMATORIT TE MINISTRIA E ARSIMIT DHE SHKENCËS, PËR
UNIVERSITETIN “ALEKSANDËR MOISIU”, DURRËS, PËR NDËRTIMIN E NJË
KAMPUSI TË RI UNIVERSITAR**

Në mbështetje të nenit 100 të Kushtetutës, të neneve 13 e 15, të ligjit nr.8743, datë 22.2.2001 “Për pronat e paluajtshme të shtetit”, të ndryshuar, dhe të nenit 82, të ligjit nr.9741, datë 21.5.2007 “Për arsimin e lartë në Republikën e Shqipërisë”, të ndryshuar, me propozimin e Ministrit të Arsimit dhe Shkencës, Këshilli i Ministrave

VENDOSI:

1. Ndryshimin e përgjegjësisë së administrimit të pronës së regjistruar, si tokë bujqësore, e ndodhur në zonën kadastrale nr.8517, në parcelat nr.78 a, 79 a, 80 a dhe 81 a, me një sipërfaqe të përgjithshme 55.65 (pesëdhjetë e pesë pikë gjashtëdhjetë e pesë) ha, në ish-Ndërmarrjen Bujqësore, Spitallë Durrës, nga Ministria e Bujqësisë, Ushqimit dhe Mbrojtjes së Konsumatorit te Ministria e Arsimit dhe Shkencës, për nevojat e universitetit “Aleksandër Moisiu”, Durrës, për ndërtimin e kampusit të ri universitar.

2. Universitetit “Aleksandër Moisiu”, Durrës, pas marrjes në përdorim të pronës së përcaktuar në këtë vendim, i ndalohet ta ndryshojë destinacionin, ta tjetërsojë ose t’ua japë në përdorim të tretëve.

3. Ngarkohen Ministri i Arsimit dhe Shkencës, Ministri i Bujqësisë, Ushqimit dhe Mbrojtjes së Konsumatorit dhe Kryeregjistruesi i Pasurive të Paluajtshme të Republikës së Shqipërisë për zbatimin e këtij vendimi.

Ky vendim hyn në fuqi 15 ditë pas botimit në Fletoren Zyrtare.

KRYEMINISTRI
Sali Berisha